



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҲАДИБЕРҶА

СИ" ИВ ЯЛЯХАНА ҲОПОЙ" СЕРТАБИВА"

Мэбета вадава" ила' панан' етри' мэква"! НЯРЪЯНА НЭРМ



№ 6 (5280)
2026 по'
февраль иры'
7 яля
СУББОТА

Российская Федерация Ямало-Ненецкий автономный округ



Сидяңг: Марина Ярой'
тадтавы

Пырихит поңгадо'
пан"ҕа"

2

Мюсерта" ненэцие" е"эмня



Сидяңг: Марина Ярой'
тадтавы

Россия' тиңгэвна ненэця" ханярина илебто' җод" мал' Конституция' вато" сер' иле". Танияд таңга, нись тоса илевава" паңгды. Тарем' хусувэй яна" тер" индо' харвабцовна ханя-римна җэдалёрць ватодо' тания. Илесь ядамдо' җани' харто' тэраби".

Җока яна" тер" хардаха"на иле". Тодо" ё" няна пэдрахана, выңгана илена" җани' тания". Пыдо' иринато' невхы илам' мэ"ҕа". Закон' сер' мюсертаңэ, нядэнаҗэ толы". Толырманандо' тики" 262,6 ёнар" ненэця".

Маня" Ямалханана" ненэй ненэцяҗэ невхы похот тарем' илева". Едэй илаңгана тэхэ"нато' мэна", халям' хадабада" невхы иландо' саирм' нёда". Яна" тиңгэвна е"эмнандо' хуркари" няд"ми җадимдемби". Тикыдо' ня"амвандо' няю' яңга падар" тарасеты. Тикахана мюсерта ненэцяҗэ толёвадо' пады. Тар-ця падарм' ненэця" тодо ервхат хонрамбасетыдо'. Ханяҗэхэна тамна сит җопой ервхад тамна тяха' җэдабтаңгу".

Теда' Россия' җэвахы норм-бэртя' табековна тики падро" нямна закон' ватом' хаця яңгам-

давэдо'. Вадавнато', тарем' ненэцие падродо' ма"ламба нядаңгу". Ненэця' ненэся мюсерць илеванда нямна җэ-да падарта таславы ервхат хонрамбаңгуда.

Ямална" тер" мюсертаңэ җэ-вамдо' «Госуслуги» няд"мяць тасла пирҗадо'. Танияд харто' та-рана падарто' нэкальць пирҗа". Ханяхарт ядэрць ни тара" ялан-да җуданд җылна телефонар тания. Мякаданд падрод харт сертаңгуд.

Галина Окоэтто'
падвы

Еся ханодо' мэць тохолкурҕа"

Тазовский районхана не-нэця" мерета еся ханодо' мэць тохолкурҕа". Пыдо' танияна харад' помна җэдалёрмам' тасламби". Машин" сехэрэ-хэна җэда" ненадумда"ми то-холамби".

Харад' ядэлави" помна җэ-далёрп", җока табеком ' те-нева тара. Тикыд теневабат, мюддарев' вэңгалёда" машин" поңгана таңгаңгун. Тараванда мальҕгана харт хибяхавм' нерня' җэдараңгун, ханяҗэхэна пы-дар нерня' хэбат таравы җэңгу. Ханямна хэсь пирҗар, ханям-на нир пират", тикым' җани' хамедамбаңгур. Тарем' вэва серт' хибяхарт ни еремд".

Тохолковандо' пуд ненэця" тохолкось падродо' ня"маңгу". Еся ханодо' палытани" мяка-на падвы" җэңгу". Тад нерня' падаркана ненэйвана мерета снегоходто' ерваҗэ толёда".

Неноховавна едэйвана тэм-давы буран Ростехнадзорхана ерванда мэтаңэ падбата тара. Тарем' ниб"нанда җа", ненэць' падарцяда еся ханхананда па-лытанаха" ерембата, штраф' есям' салдамбаңгу. 1500 - 2000 еся җэсь пирҗада. Җани' яңорэй' падарци" җэдалёрць ня"амравы җэбта, (12) юкад вата сидя иры' ямбан' снегоходхана җэдалёрць нидо' җэдарамбаңгу", падрода мартыдо'.

Ненэця" хардан' тэворпато', падродо' етри' нянандо' җэбто' серо"ҕа".

Хальмер" Седе"эхэна тохол-кова' нямна хонравандара" танияб-та, тюку телефонувна лаханада": +7 (34940) 2-05-58.

Галина Кинчина' падвы

Сёётэй' пирдырта"



Тюку по' «Род-ники. Истоки» ню-бета проектм' «Год единства народов России» няю' сер-таңгудо'. Ямал-хадна" – Нядма няби Масне Няруйха' невхы ила' саирм' җадимдембаңгуху".

3 стр. җа

Ныхыдырмам' мэёвна ня"амбидо'

Сёбарна" е"эм-ня пирдырма етри' сертаби". Ныхыдыртина" мэбе"мам' җарка яна" тиңгэвна намдорҕава".



Сидяңг: gazeta.yamala няд ханавы

4 стр. җа



Мяналма дядян җанаты"

Җэлм' чел" неша" няматадакудма дя-лян җанаташтут. Четаң выңкна, кал-тыхина дидина" неша" «День оле-невода» нимитадя-лямтуң җэтаңа"



Татма: Андрей Пяк таттамы

6 стр. җа

Сидяңг: Марина Ярой'
тадтавы

Пырихит поңгадо' пан'ңа'

Сидяңг: Марина Ярой' тагтавы'



Округханана" небо' сяңок халям' ватавамдо' таславэдо'. Яханана" пыри, нёя, карась хадабада" жокамы".

Небо' ю" ёнар" тонна халям' ватавы". Тикадо' невхыто' пир" нэвы. Ненэй-вана сававна няхар" районхана халям' ватавы". Сямянхат жокам' Тазовской районхана – 1892 тонна халям' нэкалмы". Нянда пуд Приуральской районхана – 1 855 тоннам' ватавы", няхаромдэйдэ' Шурышкарской район' тер" нэвы. Пыдо' яханандо' – 1761 тонна халям' нэдавы".

Небо' нара' итя жокась, нэдыбятэ поңгадо' пон' терсиць. Тарем' нод' предприятийха"нато' планодо' томдавыдо'. Ненэй-вана теда' пырим' хадабада" жока"мы". Пыририхина 845 тоннам' ватавыць. Тикадо' там-

на 2024 поход жока нэвы. Харта нод' пыри' нэмам' яханана" харвобтадо'. Тарабата тамна округна" тяха' мирдапидо'. Нёям' си"ив ю" самляңг тонна' пирувна нэни' жокамдавэдо'. Тикы халям' ненэця" мыданда е"эмня харвобтадо'.

Пудана по" яханана" ватабада халяхат хуркари" нэвидота" нэвар сертаби". Самляңг по' тяхана ватавы халяхат яланда няхар" ю" процентримдо' сертабиць. Теда' предприятий" нэвидота нэвраңэ сертавы" халэдо' интернет' мутрам' нэдымэць мирдапа пирьядо'. Нэнидо' яна" терха" тэмдарамбидо'.

Марина Ярой' падвы

Нядаңгова' е"эмня манзара"

Ненэця' тасла я"мана серта таянб", сита Законодательной Собрания' няна манзарана" нядаңгу". Хусувэй хибя таянэ нэдымадамда хось пир"ңа. Похона нэндэ' туртадо', нэндэ' паднанадо' жока.

Тандая' сяңок ненэця' нэдандо' хонарко"ма' нэмна юнм' падаць. Небой хэвы похона жокаанда 1112 лахана"ма' падар" торхавы. Жокаюм' пелядо', 68% пир" нэңгана лаханавы", 14% пир" падарм' падыбавы", 18% пир" интернет' мутра' нэби госуслуги' сер' хонарковы".

Небой подо' нэнандо' нэни' ненадось. Депутат" сибимдей созыв манзаямда малесь. Нэрё' няна сиднетимдей созыв манзара пэяць. Вэба' иры' пуд нэндэ' 414 лахана"ма' падар" товы.

Нэданнандо' вадавна депутатхат нэдымам' пюва' хавна яна" тер" харто' индо' ядэрабцо ваде"ңа". Жоңзэр' илаңгана тарана серо округханана" савумдамби". Едэй вато" таминдо' тид" таславдавэй ни" нэдибер". Нэмгэ' мян ёльцянда хэва' сер' яляң' нэдимэць пир"ңадо'. Вэба' ирыхына 2025 похона «Работник кочевого жилища» нэдимэсь.

Хонраванданда" таянб", тюкон лаханада": 629008, г. Салехард, ул. Республики, д.72. Сайтандо' сер' <https://zs.yanao.ru> падна нэни' серо"ңа.

Анна Яптик' падвы

Хабарталыд'

Пэ' тер" ма"ним", яханандо' луца падаркана пэвы похонана" ненэця" мале тыдо' хабарпаванзэ нэнады".

Приуральской районхана хабартавадо' няхар" ян' тярмы нэңгу. Тюку по' пыдо' яханандо' си"ив юр" тонна ты' нэмам' нэдаванзэ тасламби". Нэрдэнаңэ Белоярск' няна хабарта пэйдаць. Таяна яра иры' пудана яля' нэсонд' хабартаңгу". Пуна вэба' ирыхына Паюте"э' хабарталвахана манзаралтыд". Сяхаринда таяна округханана" нэрдэнаңэ яханалсетыд". Нэрё' няна носиндалава', нэрка пэвдей ирыхына нито' ирмня Белоярскхана, Паюте"эхэнандо' тыдо' хадабаңгудо'.

Небо' Приуральской районхана 590 тонна ты' нэмам' нэдавыць. Тыто' хэва" сава нэвыць. Тюку яханандо' нумда савась.

Марина Яр' падвы

Нэрка ненадумда"мам' нэ"амвы

Россия яна" нэвахана мэна ерв' сававна жока по" ямбан' манзарана" ненэцие ненадумдабасетыда. Пидте"мяхананда мэйравы падаркана ненадэ нэбедэ' падсеты". Тандая' нэпой нэрм' тер" няна" нэмна юнм' намдаваць.

Пэ" няна илена Сергей Егорович Перчеда тад нерня' «Заслуженный работник рыбного хозяйства РФ» ненадумда"мада таянгу. Тикы' нэмна нэда падаркана тарця" вада" пады": «Харсаим' рыбоучасток' ёртя Перчеда Сергей ёльце тяхасовна жока по" яхананда халям' хадабава' серкана манзарамита е"эмня нэрка ненадумда"мам' нэ"маңгу».

Юнета нэва" ненэсянда ва"лэй ненэць'. Мале понарка халям' хадабади" нита нэвахана мэ. Нэнанда жокаанда тет ю"

ёртя" манзара". Поңгарць ёдо' нэхат таславы". Серодо' пили" тид" минзеты". Нэрка нэмдо' саву"ңадо'. Илебей нида пыда' табекохота инзеле теневабцудо' жокамдамби". Сяхаринда нэни' яха"на халында яңгоб", бригадандо' тер" поңгадо' панцеты".

Тамна 2025 похона районханандо' нэвахана мэна" «Слава Приуралья» конкурсхана нерня' мэвэдонзэ. Ёрманда хавна учёной нэдаби. Тараванда малыңгана нэнандо' нэдалёрна, табедавы яханато' поңгарца. Нэ"амвыда нэндэ' мипида. Учёной тикы' пуд харто' манзаито' сер' тасламбидо': ханяна хурка халы тая, юңгу, халы" тэңз' нэни' манэ"сарьядо'. Сита нэдымэць маси" нэмгэхэв" тарана" серо хамедабцу", Салэ яв' мюня халыва" жокамданабцу.

Тад' нерня' юнета няна" илан-



Сидяңг: t.me/reskova на нэды ханавы

да пили" тид" миңая, манзаяда етри' таяна, поңгда сяхари' пан"ңая".

Галина Окоэтто' падвы

Сёётэй" пирдырта"

Тюку по' «Родники. Истоки» нубета проектм' надимдеңгу". Тикым' «Год единства народов России» няю' сертаңгудо'. Нарка яна" тер" невхы иринато' сё лэтрамбавандо', нюхото', нюто' нюху" ваде"мандо' е"эмня тара.

По' ямбан' Москвахад лаханако ма"ламбада", хуркари" режиссёр", видео" сертабада" си"ив ям'манэ"та". Округхана" нани' тэворта". Ставропольской няби Алтайской крайха', Архангельской няби Вологодской област'ха', Татарстан' няби Удмуртия' нямна ядэрта". Ямалхадна" сёётэй няхаюна" – Нядма няби Масне Няруйха' невхы ненэцие" ила' саирм' надимдембаңгуху". Пыди' хавнанди' «Разгуляй» нубета мале сянңэ хыноти" мандал" пирдырта".

Тикы серм' минрени" яра ирыхына нюртей нэдалёрмамдо' мэта". Лимбя' ирыхына яхана тутта". Нэрт тер" ненэця" ила' саирм' торомдаңгу". Сянакова' яля' ёльцяңгана пирдырта", нина" сёхо" инзелеңгу". Пуна тикыдо' пирдырмахана тарангу".

Тыниць ирыхыд пилу" иры нэсонд' минрени проектахана пирдырти" нябимдей пирдырмадо' минда. Етя сё, музыкам' сертабава лохото' мюня манзараңгу". Несэй мутры няд"мяць,



Сидяңг: Марина Ярой' тадтавы

едэй хайнана сёдамдо', музыкам' падыбаңгу". Вэба' ирыхына сертавыдо' интернет' мутра' сер' манэтына". Сёдо «Родники» нубета радиохана намдортына". Концертха"на хынота".

Хор" ирыхана Москва маркана «Родники. Истоки» нубета фестивал'хана проектамдо' малеңгудо'. Тодо" яхат пирдырманз' товы" ненэця" ма"лэда". Хусувэдо' сёмда хынабтамбаңгу. Нарка яна" тер" тенева сёётэй Олег Газманов проект' тер няць сиддо' нядабаңгу. Интернетувна концертам' надимдембаңгудо'.

Пэдава нина" варемдо' мэ"няя". Хынабтамбада сёхо"нато', падвы музыкаха"нато' сидна" маябтамбая". Хусувэдо' тарця серкана ва"лэй.

Руфина Окоэтто' падвы

Мел' ненэцие" поңгана ва"лэйха'



Сидяңг: Марина Ярой' тадтавы

Тюку пом' ноб' няю' нятва' поңэ мэ"нава". Надьбятта нарка яна" нардавна хуркари" ненадо" серо минрева". Тарем' тодо" нина" ила' саир торомдамбива". Поёна" сава нэсь иле енава".

таславэва". Нока илека" серо тикы ина" нудм' нёда сертабаңгува". Ханяңы" хонаркурцеты": «Ноб' няю' нятва хурка?» Ненэця" тодо" яха"на иленё", иландо' саир", вадидо' яңганё". Невхы" хэхэдо' нобтикы тодо" тэнзё". Ханзер" ноб' няю' нята пиртадо'? Надьбятта тикым' хамедава' е"эмня «Уникальная Россия»' то"олха" выставкаха" ядэрць тара. Тэри хусувэй лохо' мю' тюңгуда", харта" таслаңгура", ханзер" тэнзувнато' яңганя" ненэця" нито' хэвхана иле", манзара", нито' ила' саирм' хамедамбидо', хибяхартм' вэваңэ ни" тасламбю". Нопой мяд' тердарев' нята". Нарка ямдо' сяңадо', лэтрамбидо'.

Сырманз' товы" харад' тер", мядонда" тэмдорць пирнадо'. Хурка нямгэриком' сэвтеңгу", тикым' нуда' тернэ тэмдаңгу". Манэ"мандидо' хуркари".

Нани" паской" нэвори" поңгана хобахат сэдвы", я' хора" лэхэт мивы" тания". «Уникальные мастера России» конкурсхана мэвы" мел' ненэцие" манзаи нани' танияна манэ"лабтамбидо'. Ямал' терхат сидя Салехард' тер нерня' ха"амвэхэ". Тикы Семён Севли няби Сергей Аляба. Пыди' мел' няхатати' сяманхат ва"лэйха' нэвэхэ'.

Галина Окоэтто' падвы

Натенава"

Небой' тяхакуна «Симфония Ямала» конкурсм' минре пяць. Округна" нудондана' табековна тода" ёхот нэда музыкант ма"лаць. Тюку' по' яна" хэвняд Салыңгардан' 16-30 ненэця" нани' тутта".

Пирдырмадо' яра иры' нябимдей си"ивхана нэңгу. Иры' юдимдей яляхад пэңгу". Мат" яля' ямбан' минда. Помнандо' юкад вата самляңг ненэця" пирдырманда". Пыдо' Россия', Италия', Китай', Колумбия', Япония', Казахстан' няд нэ". Сиддо' нямэхэна 128 ненэцие" поңгад тэравыць. Тэраңгодито' нэвахана Денис Мацуев мэвысь.

Тандая' тю"у' минда" музыкант" фортепиано, скрипка, виолончель сянако мирво няд"мяць хуркари муно сертабаңгу". Москва марад' няд государственной симфонической оркестр' тер" сиддо' нядабаңгу". Тарем' сянако мирвто' мун' нобт' ха"морта". Я' сяр' ниня танияна муно мал' нобт' вэтартыдо'. Выңгы яна" муно, невхы" ненэй сёё, юнета" музыкант" падвы муно нопой сёдрев' хайналтаңгудо'. Тодо" ехэрана" яхат товы" жюри" сиддо' маниеңгу".

Ненэсянда нод" сянако мирв" мун' ёльце хайнасеты", вадасябто' нод" хамэдава' пир" нэсеты". Ханяңэхэ"на мунодо' нюдэворта", нарворта". Ва"лэйвана муно надимдемба тенева". Сяман сепнам' намдорна". Салаба' лядаңгава нэя, сыра' маркад нэя, пи" тыдрё нэя, мерця' выврё нэя – мал' тодо" тэнз" сянако мирвхана надимде пирьядо'. Тамна харп' есабарма' муно то"олхахартм' сертаңгу". Сёнзянд мюхув" ханя' сававна ха"морта".

Сянаковамдо' я' ханярина мание пиртадо'. Сиддо' «ВКонтакте» нубета мутравна няби сайтандо' сер' маниеңгу". Салыңгард' тернэ «Ямальская филармония»' ня' ядэрць пиртава". Хусувэй яля' сырманз' ханап' нани' серота. Ва"лэйдо' тэра"махадандо' нарка концертдава" сертаңгу". Юнета" композитор" падвы надимдеңгу". Гран-при ня"муванда тэраңгу". Нерня' мэвыдо' нуда' тернэ миллион' пир" есям' ня"маңгу".

«Школа искусств» нубета" то холкулваха"на тохолкода нэцекы-няби нэцекы тидхалембада нани' тания' тэврамбаңгудо'. Тасалкодаңэ тараванда", жюри" е"эмнянд' хуркари тохолкови хамэдаңгу". 2024 по' тотрев' конкурсм' ня"амбадаңэ Россияна" артист Денис Мацуев тараванда.

Тарця пирдырма' пуд нэцекы" ненэця" теневабодо' тамна нокамда". Иландо' сехэры несэймда. Пыдо' нямнандо' ханярина намдаңгу". Сеней нерня' мэвэхэюдо' Китай' тер Жуй Мин няби Россия' тер Стефания Поспехина округна" тиңгывна классической музыкам' надимдембыха' нэдалёрмэхэнз'.

Анна Яптик' падвы

Лимбя' ирыхына 23 яля' Москва маркана нарка выставка-форум манзара пэяць. «Уникальная Россия» нубе"на. Яра иры' сиднетимдей яля' ёльцянд' мел' яна" тер" манзаи манэць пиртава". Сертавы нэворидо' нули" нока"я лохо" мюня нэ". Си"ив ю" си"ив ё" няд манзаидо' тет ёнаркад вата" ненэця" нэдабтавыдо'.

Нердена яляханандо' Департамент информации и печати' нэвахы ерв Мария Захарова лаханась. Нобт' ма"лэвы" нида саву"ядась:

– 2026 пова" ноб' няю' нятва' поңэ мэ"манз'.

Ныхыдырма сянакубц’ тэнз’ юн я’ ханярина ноб’ нармдана. Тикы серм’ минрена” варемдо’ мэц’ нерняри’ на”. Сёбарна” е”эмня пирдырма етри’ сертаби”. Ныхыдыртина” мэбе”мам’ жарка яна” тигывна намдорнава”.



Ныхыдырмам’ мэёвна ня”амбидо’

МЕДАЛЬМ’ ХАНАВЫ 41 НЕНЭЦЬ’

Яр-Саля’ хардан’ ма”лёвы ны-хыдырта саңгово”омнато’ юкад вата нопой ян’ тирпидонз’. Не” 55, 65, 75 категорияха”на мэц’.

тей ян’ ха”амвыдо’ ти”: Кирилл Тибици, Тасу’ я’ тер Василий Яптунай, Едэйхасава Климов, Илья Яптик, Артём Ного, Тасу’ я’



Сидяңг’ gazetayamala няд ханавы



Сидяңг’ moi_yamalskiy_raion няд ханавы

Хасава” 60 пэс 125+ нэсонд’ тэворнац’. Хусувэйдо’ харта ямда нерняку’ пэрнась: Новой Уренгойм’, Я’ малм’, Тасу’ ям’, Пяку” ям’, Пэ” няңым’.

Сянакода” няхато’ сырманз’ жока” ненэця” тоц’. Нидо’ тараб-тамба тёрдо’ я”авлицы: «Нерня! Нён выдаңг’! Ня”амбад! Нэкалт! Нёр нэдарабмю!»! Етри’ тарця мун” соць. Ныхыдырц’ мэта пям-да хибяхартадо’ нэдарабтаван’ нидась харва”. Намгэ ныхыдо’ тания мал’ мэ”эйдонз’.

Нехэт саңговодо’ тянэхот пэхэя Тасу’ я’ тер Маргарита Салиндер, Ямальской район’ терха’ Татьяна Ного няби Анастасия Вануйто нерня’ ха”мьд”. Хасавахат нюр-

тер Семён Вануйто, Денис Сэротэтто, Лев Езынги. Жокаюм’ пелядо’ Ямальской район’ тер”. Тикы’ хавна нябимдей, няхаром-дэй ян’ ха”амвы” нани’ жока”.

НАЦЕКЫ” НЕНЭЦЯ” НОКВОРЦЬ ПЭЯД”

Ямална” ныхыдырти” Федерация’ вице-президентхад хо-наркудамз’. Николай Иванович Окотэтто мась:

– Ныхыдырмава” няхаром-дэй по’ минрева”. Тюку яля’ пирувна едэй” нацекы” ненэця” надиберц’ пэяд”. Хасава” хавна не” ёльце хамековы”. Небойха-дандо’ нарковна са”на”. Хусувэй по’ теневабцодо’ жокамдана”.

Ханяңы” нюртей мэва пирдырта” танияц’. Тикыд таминдо’ ны-хымдо’ надимдедо’. Тюку по’ видеон’ падыба пайнац’. Намгэ таславанда надимб”, манэц’ пирь”. Ялэна” тэри маймба мэ”яна”. Сырманз’ турта” ёль-це нидо’ тёрхана нядабидонз’. Таддикахад пирдырма’ ирмня семинарм’ мэ”навац’. Россия’ тигывна нита ний ныхыдырта” Федерация’ няд Олег Викторович Передриев турнась. Пыда судьянэ таравы тохол-ламбись. Тасалкодаңэ, сыртаңэ тарана” тохолко”махадандо’ тид” манзараңгу”. Ныхыдырма сер” нани’ тэри тарем’ минрена ни на”. Сававна тид” миманда е”эмня яңга теневабцо” тара”. Сёбар”, пирдырмам’ минрена”, судья” мал’ нобнзер’ нэбто’, нидо’ нядабавто’, тикахана серона” тид” минда”.

Тикы чемпионат Сензувна иле-ва пом’ няби Нобнзер’ илева пом’ нэсь. «Арктика» комплексан’ сырманз’ товы ненэцие лекар’ манэсарьядонз’.

НЯБИ Я’ ПАНХАНА

Тандая Якутия’ няна тохолко-да нява” Меретя Яптик «Золотая палка»м’ нубета чемпионат-хана мэсь. Харта тохолкулва янда ед’ сянакусъ. Нокханда 160

пир” ненэця” ма”лицы. Пыдо’ мал’ танияңы я’ терац’. Хуркари” я”авлада” понд’ ере-мясь. Саңговодо’ 90 килограмм’ нэсонд’ тэворта” поңгана нябимдей нэвысь. Меретя’ вадада тар-цясь:

– Техэюм’ си”ив яляхана Хатассы

нубета хардан’ хан”надамз’. Танияна ныхыдырц’ пирдырнавац’. Пирдырманан’ нюм’ – «Золотая палка». Тикы турнир Якутия’ тер мал’ нобт’ ма”ласъ. Ямал-хад сидяңэ пирдырнанинз’. Тасу’ я’ тер нями Кирилл Няч саңгомдо’ 65 килограмм’ пирт’ тэворта” поңгана мэсь. Тур-нир нули” сава. Сямбирувна хамэдевами хор”надам’. Едэй ненэцие” тохоладм’. Пыдо’ ха-нярина пирдырмы”, ханяңыдо’ чемпион’ мира, чемпион’ Рос-сии нювм’ мэ”на”. Ханзер” ны-хыдырмамдо’, хурка мутрыто’ таниявам’ манэ”надам’.

Меретя’ няданда нудярка ня-да тания. Илья неканда тотрев’ нани’ ныхыдырца. Хой’ няна илебта нод” хардан’ пирдыр-манз’ тарем’ нод” турна. Хэвы ныланава яляхана нобтики пирдырнась. Ямальской район’ няна чемпионатан’ ма”лицы. Округна” ханярид нэда” сёбар” ныхыдо’ хорпиц’. 75 килограмм’ мэта” поңгана няхатата са”нась.

Ныхыдырма’ серм’ харвабтана” нина” сенз’ нэя”, тамна тяха’ варемдо’ мэц’ нерня’ миңая”. Тарця сянакубц’ тэнз’ юн яха-нана”, яна” хэвняна етри’ соя.

Анна Яптик’
падвы

ОБЪЯВЛЕНИЕ

СВОИХ НЕ БРОСАЕМ

ВСТУПАЙ В РЯДЫ РОССИЙСКОЙ АРМИИ

КОНТРАКТНАЯ СЛУЖБА

6 700 000 Р

ЕДИНОВРЕМЕННАЯ ВЫПЛАТА НА ЯМАЛЕ

4 000 000 Р

ПОЛНАЯ ИНФОРМАЦИЯ ПО ТЕЛЕФОНУ

8(902)816-11-90
8(34922)3-98-08

МИНИСТЕРСТВО ОБОРОНЫ
РОССИЙСКОЙ ФЕДЕРАЦИИ

звонки по России бесплатны

contract89.ru

Ямалхана
СВО’ няна
сайнорта”
ненэцие”,
мято’ тер”
е”эмня
надимдевы”
няд”ма”



Хэңор" Вэхэча



Сидяңг: Марина Яр' талтавы

Сидяңг: Хабэча Яунгад' талтавы

(Нердена пеляда 5
номеркана ңа)

Пода нарэй ңэвы. Яда ңули" та ед' ни ңа". Сырада лебер"ңа. Тарем' яднаханда ңоб" яха' нимня ңадимя. Яхам' нёда яда. Тарем' миндяханда лакри' синёңэ хая. Ңамгэхэрт ни ңадю". Тарем' ин-зелебта хахая мюсена" ненэця" сенам' намда. Танырта тыда на-волпи. Вэн' төр" сонараха". Тыда мале ңокараха". Хэңор Вэхэча харта серката тарем' вахалть":

– Тикы ненэцяңгав тэда

саць ңока ңэрханё"! Ханамда нёрва тахабта", саць ңэдалё миманонданё"! Яднаханда синё пуларэй". Тад сылаванда, ңока"я" ты' ха"мам', тад тикахад хаввы мядм' манэ"ңа. Тикыт помна ңобкад хальмер' ңэвэйтя" лы" тэри хэделта" ңади". Хан" хуна" тания' я" ңыл' пыито' ңэсонд' сояравыд".

Тикы яхад Хэңор Вэхэча мерку пиняри' яда. Яхам' танда миңа. Тарем' сырпата лакри' икна пядда поңгам' манэ"ңа. Хэңор Вэхэча ңули" май", халэ манэ"таханда.

Ихинянда халыдамда ңаманзь ятна.

Поңгам' тад нэкалңада, тикахана яланда хавы" халы" таркабты". Поңгам' тикарихина ит' ңани' мода. Ид' ңылна халы" минхандо' илелтьяд". Тэри сян-хана салмаңга". Яха' лаңг' ниня мядм' манэ"ңа. Таняд пухуця төры"ңа:

– Вэсаков! Ханяна мэн'? Мань ңамгэхэв явна ядна ңабтм' намдадм', тикар мяканд хант".

Вэсакода нянда төрей", тарем' мамононда:

– Тикахавар" мани' ня"мани' то"олха ни ңа", тю"уй я' тир' ниня мэна ңамгэ. Мань самбдорць хорсакэв, маси" няюни' сюрхалеңгув.

Ңамгэ' ёльцяңгана Хэңор Вэхэча самбдорта пензер' мунм' намда. Вэсако пухуцяханда ма"нив:

–Тикахавамд ңэдарав! Таня хэя, мани' хар"ни' тюкона мэ-хэни'.

Хэңор Вэхэча тад сылаванда, яха' лаңг' ниня сидя хальмер' пэмбадм' манэ"ңа. Тамна тяхари' миңа. Мята нямна идя ядэрңа. Тарем' миндяханда сидя мяд' нимня ңадимя. Мяд' хэван' тэва тад манэ"ңада тикаңэ макодан-да си' ңыльня' лёдвы, нёнда си няръяна нойхана талвы. Тахаё" сивна хальмер' ңэвалы" тэри халъя ңади". Няби мякана ңоб" тарем' хибяхарт илена яңгу, ңоб" хальмер тикахана лэрида ңади". Мядо" поңгана вэн" ха"ма", ты' ха"ма" юседа". Хэңор Вэхэча сей-да ңули" хая, хаця сюрамба тамна' тяха' пяда.

Тарем' яднаханда мята нимня ңадимя. Тад мяканд тэва' тандая' мэвы недя пин' тарпы", сейда ңули" хэвы, хасавамда ёховэңэ пывэда:

– Ханяна мэсан'? Пи' ямбан' яңгунаси"? Мань сянди" и" ңут' ха"мываць. Ңопойңэ ханзер" илеңгосадм'!

Хэңор Вэхэча серото' сер', ханя' тэворо"мида, хальмер" яхана мэ"мида вадё"ңа. Ма"нив:

– Мань пили" нерде' ңэдалёди ходамзь, нянандо' хаядамзь. Тад тасла" тeneвана" ненэциени" ңэвы". Тад манэ"мани хубтахана яланда хальмер" поңгана мэвэ-дамзь.

Тикы яхад Хэңор Вэхэча пуху-цянда ня' ямдавэхэнзь. Иламди' тамна пон' ңобкана мэ"ңадинзь.

Вэнекоцями

Ензя' няна илена", тохолкода ңацекы" харе" выңгана иле"мидо' няна" вадё"ңа". Матвей Яр Дудинка мар' нюртей школахана тохолку. Пыда нида" хой' тер". Ханзер" та' ёр"мамда тарем' вэрдадась. Лахаре"мда сидто' тохоламбада Раиса Пехедомовна тидхалембись.

Нарэй' каникулаха" мякни тэввани' нерцюна хани вэнекоця" ңадимыць. Тет ханикоця" няхатато' ңули" яң-га". Мань тикарихина вэнекодани халэв' сермадарев' тарта силертана хутюкоцям' тэрадм'. Пыда няхатата ңэда ямбокоця", хакцида тэри тю"у' няю' палмы".

Си"ив яля хэ"мяхад ханикоця" сэвкоцидо' нэвыд", ңэкцито' ни' нулаңга пэяд". Хани вэнекоми нерде Лексяңэ нюмдев, лакри' нянда сы-

лавани сер' Пушокңэ нюмдев. Пыда тарекоцяда тэри ливарта, ңадьбяни тарем' нюмдевась. Ңаркакоцяңэ хэ"мяхаданда мань хар"ни ңавлам-басетыв. Тарем' пэртяхани хани вэне-коцями нядни сярдадрев' хая. Ты"ма' ёльцяңгана пыда сянхана пумнани нявотарцеты. Ңобаңгуна лахация" помна нявотартаханда ты" хатядонзь танас". Тикы' хавна танямна ядэрць нида пирцету", ңадьбяни мякнана" хаебасетыв.

Вэба' ирыхына сидна" школан' ханаванда вертолет то. Вэнекоцями пумнани нявота миңа. Вертолет' мю' ңамдыв", пыда лахацияко' ниня тэванда' нид палла няни сырңа. Вертолет тиготанан' сидер' сив-на сыр"ңадм'. Вэнекоцями хэня вертолет' пумна нумд' пыямда илада. Си"ми нивы хай", ңамгэ хаевами ха-

меда я"амвакы. Маниеб"ни небями ня"мада, мяд' няна мине ханада.

Сырэй каникулан' товани маль-ңгана сянхана вэнекоми нивась тумд", тамбирувна ңармысь. Тарта ңули" ёряка"яңэ хэвы, ңэда ямбумы". Нисями ңо-пой сава танырта вэне-коданда тасла мэлвэда. Нара' няна ты танаба мань хар"ни мэтав. Та' ёльцяңгана тамна тэхэ"на нив савумд". Школахана по' ямбан' паднавани' ёльцяңгана Пушок вэне-коцями п и л и " и б е ц я - тыв.



Сидяңг: Марина Яр' талтавы



Мяналдма дялян җанаты”



Татма: Андрей Пяк таттамы

Чуки дили куки” нешаңкна” дюднуй дилим нимиңа. Чейня дюднуң кыню җэшту, дяля” хэм җачаш димпумшту”. Җэдм’ чел” неша” няматадакулдма дялян җанаташтут. Четаң выңкна, калтыхина дилина” неша” «День оленевода» нимита дялямтуң җэтаңа”.

Чики хома дялям шаңкмян тэмс неша” ха’шаңоңатуң. Выңкна, петадахана дилина” неша” нельшут тытуң дянмташту”, кан’хана

җайталё тытуң тоходашту”. Каса җашки” вядкулодыш, нэхэлүмпёш, ха”модыш - таньше мянадыш пытатуң конудпёшту”.

Четаң Талкахана манс-ланна”, тоходкота” җалтана җашки” дяхаң лаңкан җомшту”. Таньняна Набережной Саргинахана тынь-шам җятпё вядкулодышту”. Няляңпаңк вядкудпёшь пытатуң конудпёшту”. Маньде чуки дилихина няматадакулдма дялям мээлны”. Нельня Ямалхана дилина” неша” Надыман җомты”. Таньняна няматадакулдма дяля 14-15 февральхана җайты. Маня” Пюд дяхатана мэна” нена” җупчики мяналдмантуң мэты таньняң кэйны”.

Чуки дилиң 21-22 дядяхана няматадакулдма дялям Талкахана мэтҗатуң. Шича дяляң дямпан тэхэна” мансдана”, калитана”

поңкнатуң мяналды”. Тыңканхана җайталё няматадакулды”, вядкулоды”, ха”мудты”, шалди” җылна нюмкупёды”, нэхэ”лүмпюты”, лампяташ шудвилды”. Праздник’ понта шел Пуровск’ няңи пул җылна җайты”.

Четаң маньде мяналдма дялян җанатадыт. Чикиң пут неша” Кадпюлант җомты”, тань-няна няматадакулдма дяля 13 мартхана җайты. Кадясамэхана, Ханымейхана «День оленевода» дялямтоң 21 мартхана мэтҗатуң. Самбулкахана няматадакулдма дяля 28 мартхана җайты. Ты” падилта”, калитана” тыңканхана няматадакулды”, нэхэмтуң, нюңк җаймамтуң конудпёшь поңкнатуң мянадыш шана’коты”.

Маня” Ямал дяханана няматадакулдма –пиди хома дяля. Тадыша праздникхана шаңкмян тэмс неша” куптат ниня маньмайтуң нетуң кошту”, няханатуң дёдимяшошту”, поңкнатуң шана’ко мянадышту”.

Нюча җашки” мят

Кадпюлкана җайта садик’ «Росинка» хампляңк’дяңкня пота кадыш. Таңок пу” дямпан җука җашки’уди” школан хомана җанатамантуң мэты, тоходаңаш. Росинка садик’ дёдыше хома. Җашки’уди” тоходкомаң, дилимаң дет җайта”, кудкади” хома җамыдёта” тады”. Четаң калтыхина җайта мякнантоң җуп группатуң, җыдитоң - выңкна җа”.

Хампляңк’дяңкня пуң дямпан Кадпюлкай садик’ «Росинка» мансдым Людмила Владимировна Казымкина миндеңаташ. Пыта җашки’уди” мавшат мят хомана мансламаң мэты, җука хома җамым шелтаңаш. Җашки’уди” хомана тоходкомаң, дилимаң мэты”, «Росинка» кудкади” инновационный’ проекта” тады”.

В 2012 похона «Росинка» нельче’эй кочевой’ группамта найҗаш. Хадутэй няна дилина нешади” җысын ненэй мякна җайта садик’ шелтаңаш. Чикиң пут Кадпюд няңи выңкна дилина”

нешади” җысыхана җай җыди” кочевой’ группы” найҗаш. Нюча” җашки’уди” мятуң кэвхана, ненэй мякна җайта садикхана” тоходкош чепьҗаш”.

Четаң Росинка мат’ тадыша группата. Таньняна җошшеды чет’ дют җок җашки’уди” тоходку”. Выңкай садик’ мякнатоң кудкади” тоходкош мэчитуң җамыдөтуң тады”. Мятутуң кэвхана пихиня пыңкидөтуң җыты”, вадякутуң тады”. Җашки” паделдыш, хомана выңкай дилм чедимяна”, неша ни” мансдаңа”. Тадыша ненэй мякна тоходкота” җашки’уде” лусан шелт мед тохошту”, школан хомана җанаташтут. Чикиң камна нешаң ватамана кынсу” тоходампёшту”, шутпядсу” мэшту”, пихиня шана’кошту”, вядкулодыш, ха”модыш тохоташту”.

Садик’ мяктоң җашки’уде” майпёш кэшту”. Шаңкмян хома җамэ” җашки’уди” дет җайты”. Талдям Кадпюлкай садик’ выңкна дилина” нешади” нятапёш «Җокна мэҗама»” нимита консультативный’ центр’

шелтаңаш. Выңкат мэна”, калтыхина дилина” неша”, нюувдетуң де’эмня җамыди” ватантуң тады-җэп, чики консультативный’ центрхана мансданни” кондашту”. Таньняң кэш җудюнтуң дякоп, телефонмана, интернетмана мунушту”. «Җокна мэҗама»” җука нешади” нятаңаш. Җай нуп талана, хома проектоң - «Мань нюча нюй». Чикитоң нюча” нюувдетуң тадымэна” ни” нятапёш шелтамы. Тай”ня пытоң садикхана мансдани” няш ни”туң де’эмня җайта” җамыди” шелутоң җокна таслаштутуң. Каймы похона, мыличуң Росинкахана җай дety хома проект’ җычимаш. Людмила Владимировна ненэй мякна тоходкота” җашки’уди” патнаш мээвтат дety патал «Вивта-науди» нимита шелтаңаш. Чики паталтоң дёдыше вильҗа, мекат, неньшал.

Таңок пу” мансдаманта дямпан Кадпюлкай садик’ җука мэмаң хома паталт ка’амдыш. Талдям хомана мансдымта миндеманта де’эмня Росинка

тадыша статус’ «Лучшая муниципальная практика России» ня’амҗаш. Таньнякуй” похона” региональный’ стажировочный’ площадкә’ мэҗаш, четаң маньде федеральный’ инновационный’ площадкә’ тунды. «Росинка» шанат мэмаң тадыша статус’ «Ведущие образовательные учреждения России» ня’маштуш. Хомана мансдаманта де’эмня национальный’ реестран «Ведущие учреждения социальной инфраструктуры России» ка’амдыш. Чикиң камна садик’ «Росинка» җалка паталт «Книга Почёта России» патмы.

Кадпюлкай садикхана манс-ланна” хомана мансдымтуң миндемантуң камна кудкади” спортивный’, культурный’ мероприятияна” мянадышту”, нэхэдышту”. Каймы дилихина Росинка хампляңк’дяңкня пота кадыш.

Таңок пу” дямпан Кадпюлкана җайта садик’ җука җашки’уди” школан тоходаңаш.

Нардалё

(Нердена пеляда 5
номеркана жа)

Тюку ямидхы лаханако Ензя'
няна Усть-Енисейской район-
хана илена ненэцяңгад намда-
вы. Вадандо' хэтыр" хаця яңга.
Толангобта", инзеленарахада"
ңэңгуда". Вадидо' лаханавандо'
сер' падвы".

Поюрчиду то". Нардалё' не
нямта хонрамбсята. Мунда
юңгу. Манчты:

- Няр амгэ, ярса?

Мунда юңгу.

Чёняңы нисянта мят хаёв",
ма" нив:

- Нямы талирерхавы". Ет ла-
ханаван ни харва". Тари ңам-
чёва ңамды, мунда юңгу.

Хабей ервота манма:

- Тальня тара"!

Хонрамбсятаду, мунта юң-
госыты, ңамчёхова ңамды.

Хабей ервота манма:

- Чукор черсяда мякана нив
талире". Тадебядара" хоңада"!
Сив хаби небя таниява. Ам-
гэрт хапчаңк ненэча нидя ңэ-
дарамбю". Сив хаби небям
хоңара"!

Ѓоб яптаку хаби сяднчет вэне-
ком подерңа. Понхарт ни юңгу".



Падта"ма": Руфина Окогэпто' сергавы"

Сив хаби небя пухучам тада. Сей
туита юңгу. Сидя сёбдя сэврида
пуно меңгарахаха. Ѓэвада ңули"
хаделюй, пя малраха.

Пенчерта ядимта. Хабей ервота
мядм ңули" сабаду, ненэча" ңока
ңэ"ним.

Хабей ервота манма:

- Нардалё хытырм ченева" нив.
Нардалёра" хытырм ченева тэла-
бамта.

Нардалё тадебя махан ңамды",
чикад тэлабида. Тадебя пухуча
Нардалё чехэ яхад мансхаломач-
хат тумдыба пяда, манма:

- Ѓоб хальмярм хувы, сокамта
сервы. Тамна тальняна тувы.

Нардалё инча ңылна манма:
«Тадебяр сими нив хо". Ядмами

тумдыбида». Ѓэвамта тахаю"
пиня ңадимчеда, чикад чурыла-
ванонта (манма, та мальңгана
ненэча" попа пилюс" ним):

- Попа тоңов", попа то! Вэнеку"
пярна", юнида ңорсана", попа
то!

Чикы мяд чер" тад санаванту,
тадебям мэтанту, малңэ хая".
Нардалё ңопойңэ хаи. Пин сана-
ванта сер сив хаби небя пухучам
лэмбраханта питарңада, пухуча
ңослэ хамы". Чибей лэмбрада
мальвы.

Нардалё пин санэй", танияна
нита поңгана манчты:

- Хуна попара"? Хуня са-
нарңада" тадебя мэма ёльчң-
гана? Хибя манса, попа то?

Ненэча" ма" ним:

- Попхав юңгу. Тарча чёرم
намдавачь.

Тад мят чу" ңани, тадебяду
хавы.

Нардалё пырдаричей сас" нив,
манма:

- Амгэ санарчада" тадебя мэма
ёльчңгана? Малңэ санэйда". Та-
дебяр нив лэрю", лэрё нив ха".

Хабей ервота ма:

- Хэй-я, чедав хаванта емня
тавэва" ни ңа". Нянана" хаёбата
саво ни ңэңгу". Сив хаби небямту
нивам хадарапта". Нардалё, хы-
тырм нинув ченев". Сив хаби не-
бям ханапсур, хальмяр пухучам
ханаңгодакэр. Ѓотаңо" хытырм
нинув ченев".

Нардалё сяднчет яндом по-
дерңа. Хальмяр пухучам хан вэня
пэңада, сеней нянта сехэрэвна
хаяню".

Ов, сёбдя пэдара под ңэвией".
Под тальняңы нявхана сидя
ненэчэ ңэвы. Ѓоб таряхам мың-
гхана ядпихи". Чикы таряхар
ңо" няби хэван санасяты", няби
хэвхы под няван санасяты".

Сидяңэ ңэдарамбиди". Тарем
сянакурмэхэ".

Нардалё пухучам ңэхэна
ехэлңада. Хальмяр пухуча та
ңамды, махада мальнакы. Ханан-
та мю тарем ңаптада. Чикамта
ңаптамаданта Нардалё чурыңа:

- Ѓопой таряха хэхэрңа! Мань
тадебя пухучам минредм! Тадебя
пухучам нёри' хадабю"!

Намдортади' юңгу. Таря-
ха под няван ңо" пакалй", ңоб
мыңгьямчи' ңани ңэдаптади',
мыңг янапаковна таси хамы",
хальмяр пухуча ңэва ни пак-
лай".

Та ёльчңгана Нардалё пухучам
саликахана чирчидеда. Вэнода
нултайда, ма" нив:

- Пухучам хадари". Тайна
хамандам? Пыдари' ханари',
мань пуна салтив". Няней ңока
чёрейваню", няней ңока мадам-
ню": пухучам нёри' хада", ңопой
таряхам ңэвадалари".

Маңаха:

- Нардалё, яптконэй", харт
ханад! Сидяңэ юр" тэми' тания.
Салмант ёльчңгана самбляңг
ю" тэдапт чуку под няван тэв-
раңгуни". Ет ханад! Сив хаби
сидни' хадаңгу.

Нардалё под мюмня ңэдалэй".
Хальмяр пухучамта сяд ня вы-
ярңада, ңаптада. Маном: «Сими
нельчебнанчи', ңопчики тутадм.
Самбляңг ю" тым тэврапсури"».

Под мюмня ңэдалай". Ов, под
ңули" мыңгдарев ңэвы. Под няв-
хана мядоду нули" ңока".

Тахабе Нардалё чёрей":

- Попа то! Юнида ңорсана",
вэн" пярна"!

(Пелямда ңадиманда
газетахана толаира")

«Ненецкий фольклор»
толаңгобц' мюд ханавы. 1976
похона Таймыр' няна
Тухард' тер,
Ямкина Мария Николаевна'
ваде"мы, няданда
К.И. Лабанаскас' падвы

Лэёмбада ту' сяндада яңгу



Сидяңг: Марина Яр' тадгавы

Ѓарка" тецьдаха"на мяд' мюйм' ядемдамба хорна" ёльце пятабасетына". Ханяңэхэ"на тодава' ёльцяңгана тува" саць я"авла лэёмбасеты". Сэлуй" хасуй" харв" хор' мюня лакри' табцсетыд". Ту' ява макода' си' няна паромбари' хэсеты.

Выңгана мэна" не" ңавар пирембавандо', мято' мюйм' юдабавандо' мальңгана ңоб" лэтрёсеты". Тумдо' етри' маниедо', хор' мюйм' саць ңока пэвдёхона, пяр' малхана нидо' сабаю", мянун- нанда пандамбидо'. Ѓаркаркавна пятабто' нинаринда нусеты". Тоса мэтидо' – хор' ңылна сэлмы пяр", паю" малик". Ѓадьбята тикыдо' ңаябэй пяхана тахарамбасетыдо'. Нябинзеркав' хорм' морёманда пирувна пятахаваб", я"авлада маянд' еремзъ пиры". Ненов- на тецьда" ёльцяңгана тарем' ереберцеты". Мят сыра' ңылна ңэдараха ңэңгу, ханярид мэйрё- да. Ѓамгэ' сер" хадкэб", лакри' хабарма' пир" ни ңэңгу".
Ту' ня"мыта яңгу, табц"маха-



данда ханзеркарт мэсь я"маңгур. Ѓадьбята сяхаринда тоса серо"ңа. Тикахад хуркари" серк" еремзъ пиры". Сян нибат ңод" лэтрю", маянд' хусувэй хибя еремзъ пир"ңада. Хонрамбавы"ни поң- гана хусувэнд' тарця иле"мяда танявысь. Ѓопой не ма"нисяв":
– Хой' няна илеваниямба"мале сян мя"ми хациясь пара". Ѓоб'ңгуна хардахад нини" тоць. Ѓули" тецьда ялясь, пихина ңаябадм' пэр'ңаваць. Мядондахаюни' ңая- барць мале"мяхаданди' паромба мят' тюңаханзъ. Тумди' нимим'

пята". Вэям' сопвани сер' саңоми макода син' ха"амвы". Ту' лэём' манэс"нидам". Парананам' хаб- таваць. Хормди' сацьри' пятавэ- хэнзъ.
Не нюни ня' мякана ялни' мэнинзъ. Нисява" тэхэта хаясь. Тамальңгана паю мэ"ңаваць. Паю" малхана хорми' пятаминзъ. Сяйманзъ мэнинзъ. Ѓу' сер' ту' хэвы ңэ"нив". Макодани си па- рана пэвы". И" тянёва. Пой' ңуто' сер' мер' тана я"мамима. Еяни' ханяцей ңоб" хабаръянинзъ. Тев' ёльцянд' тикы иле"мям' нисетыв юрыбю". Тарем' еревормани пуд теда' ңоб" тосасетыдм', нюху"ни ңод" лаханасетыдм': «Тумда" ңоб" маниера"».

Ненэсь Ямал' тиңгывна мяци" хаюрта ңока ңэсь пэр'ңа. Тандаярка' тарця сер" Ямальской район' няна ңани' хадкэвысь. Яр-Саля' харад' ядхана нядэна не' мя" парана пэвыць.
Мяд' паранавам' нам- да ненэцие маяңгат ңэдабада", МЧС' тер" нядаңгованзъ товыць. Таня' тэвбато' мале мякад ңамгэхэрт нивысь хаю". Мяд' ерв нем' теда' ңэрм' тер" серо таслам- бада Управления, «соцзащита»м' нюбета, общественной движения «Ямал» нядабидо'. Еяданда, ңуданда, латаданда ми"манзъ пэр'ңа". Харад' тер" сита ңани' нядаби".
Тарця серт' нива еремя' е"эм- ня лэтрё серо"ңа. Хорм' саць ңаркавна пятаба, мер' табцаңгана ңамгэри (карасин, солярка) ту' табцда"маңэ мэць ни тара".

Анна Яптик' падвы

Хобцоко" ↩

Таслара", хурка вада" сюры"?



ЛЬ



М=Л



СЯ



~~ЛЁ~~



ДА



РВ

~~Е~~

Татьяна Сэротэтто' сертавы"



Интернет' мутравна сидна" хось пир'ңада", тюкон' тюда".



Газета «Няръяна Нгэрм»	Главный редактор Яр Марина Тэтакучевна	И.О. ГЕНЕРАЛЬНОГО ДИРЕКТОРА АНО «Ямал-Медиа» Каврук Татьяна Ивановна	№ 6 Подписано в печать 5.02.2026 г. Вышла в свет 7.02.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708).			Тираж 3600 экз.	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Заказ № 37 тз (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д. 1, каб. 106	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Адрес редакции: 629003, ЯНАО, г.Салехард, мкр. Богдана Кнунынца, д. 1, каб. 106 тел. +7 (349 22) 4-53-32
			Газета выходит по субботам.	E-mail: nn@yamal-media.ru